


Ochan endepandans

Nicole DÉJEAN



Rose-Marie DESRUISSEAU, *Pères de la patrie*

1

Lè zansèt nou te kase chenn lesklavaj
Se pa t janm pou rete 2 bra kwaze
Men pou esklav yo te vin sèl mèt tè a
Yo te vanse al kontre ak lanmò
San yo koule pou ka wouze mòn yo
Se tou pa nou, milat ak nwa leve !
Se pou n travay tè Desalin ban nou an
Richès peyi a, se la menm li ye

Culture

Refren

Endepandans pap kanpe sou anyen
Si tout moun pa egal ego
Pou n ka taye banda sou tè nou sa a
Yon sèl modòd ki dwe gide n tout tan
Bondye ! Travay ! ak Libète ! (bis)

2

Sa te bèl nèt lè pitit tè Lafrik sa yo
Ki t ap souffri depi pase 3 syèk
Rale chenn yo, kwòk ak baton maspinay,
Pou yo sèvi kont tout fòs krazezo !
Gade kouman lè n misè n en yo toupatou
Men yo pa pè al kare ak lan mò
Sou zòd Lamatin yè nan tèt yo ya p fonsè,
Yon lame djanm desann Krètapyewo

Refren

Men tout batay sa yo pa ta vle di anyen
Si tout moun pa egal ego
Pou n ka taye banda sou tè sila a
Yon sèl modòd ki dwe gide nou tout tan:
Bondye ! Travay ! ak Libète ! (bis)

3

Twoup Rochanbo yo ki te kwè yo pi fò
Te oblije kanpe yon ti moman
Pou di ochan pou nèg vanyan Vètyè sa a
Kapwa la Mò te pi gran pase wa
Pou n avance an nou rele menm jan avèl :
Ann avan nèg yo, nèg yo an nou vanse !
An nou travay tè sa ak wouze ak syè nou
Sa nap chache a, men l anba pye nou !

Refren

Si se pa sa, nou pa kanpe sou anyen
Nan pwen lòd, ni egalite
Pou n ka taye banda sou tè n sila
Yon sèl modòd ki dwe gide nou tout tan :
Bondye ! Travay ! ak Libète ! (bis)

4

Ayibobo pou tout zansèt mati nou yo
Ki bay san yo pou lesklavaj kaba
Chavàn, Oje, sanginè yo sasinen
Ou menm Touden, nan twou kacho Fòdjou
Nou menm gid nou ki te montre nou chimen an
Kote n ye a, ala nou dwe kontan
Lè nou gade nou wè pèp la mèt tèt li
N ape mande n tranpri pa lage nou !

Refren

Kè kontan nou an se pou yon ti bout tan
Si n pa travay pou n egal ego !

Pou n ka taye banda sou tè sila a
Yon sèl modòd ki dwe gide nou tout tan :
Bondye ! Travay ! ak Libète ! (bis)

5

Twou se ponyèt nou, pitit tè Lafrik yo,
Milat ou nwa nou sot nan menm toyo,
Tout nasyon yo, kit Lewop kit Lamerik
Ap gade nou pou wè si n ka kenbe
Se fòs ponyèt zansèt nou ki ban nou tè sa,
Li rele nou pa n depi 1804
Se tou pa nou, pou travay, goumen pou li
Etan nap rele pwogrè ou lanmò !

Refren

Toutgwo jefò sa yo, pa p vo anyen
Si n pa travay pou n egal ego
Pou n ka taye banda sou tè sila a
Yon sèl modòd ki dwe gide nou tout tan :
Bondye ! Travay ! ak Libète !

Pòèm Nasyonan : Oswald DURAND
Mizik : Occide JEANTY
Tradiksyon kreyòl : Nicole DEJEAN